

【李華華搶先睇】陳德霖馴身介紹金管局資訊中心

3,228

f 讚 2

建立時間 (HKT): 0223 22:14



蘋果日報

AA

難得見到陳德霖活潑一面,竟然落場玩遊戲(蘋果日報)



金管局總裁陳德霖 (Norman) 積極推廣普及金融,力谷大行走去弱勢地區開流動分行之餘,唔少學生哥、遊客到訪嘅金管局資訊中心,陳總亦相當關心。



金管局資訊中心翻新後,煥然一新



陳總身後的「零錢唱」馬賽克展品勁搶眼

資訊中心設於中環國金二期55

樓,剛完成首階段翻新工程。全場最搶鏡必屬「零錢唱」馬賽克展品,呢個維港帆船圖,由十位香港藝術學院學生,以7種港元幣值共13.58萬個硬幣砌成,面積9呎乘9呎,硬幣厚度有十五、六層,硬幣總面值達6.2萬元。

呢度又有6大展區,加入互動遊戲同輕觸式屏幕,陳總今日親自介紹,仲落場玩掙骰仔,參與「智」醒特工互動遊戲,變身精明消費者,鬥快趕走網絡壞旦,爭勝過程陳總七情上面,相當肉緊。

咁多互動遊戲,據聞佢至愛係關於外匯基金管理嘅「精明農夫」,陳總大讚好玩。

點好玩呢?訪客可透過輕觸屏幕,揀種紅蘿蔔定種花,代表風險一低一高,投資環境就係天氣,華華多次實測,無論陽光照到眼盲(極佳投資環境)定係溫和,中途必會陰晴不定,種花績分例必差過蘿蔔,即係遊戲設定唔鼓勵高風險高回報,明晒。

資訊中心2003年設立,首期變身工程斥資逾200萬元,明日起開放界公眾參觀。

掌握財經生活資訊,即Like「蘋果ATM」fb專頁啦!

<http://fb.com/appledailyatm>

